

دليل بث الكارت — سجّلها

من أول غرفة إلى بث فيه كرت نتيجة يتحدث لحظة بلحظة

كل اللقطات من التطبيق نفسه

1 الفكرة بجملة وحدة

انت تلعب ورق مع ربعك، وجوالك يبث اللعب لايك — وكرت النتيجة طايك فوق البث يتحدث لحظة بلحظة. المشاهد يعرف النتيجة من أول نظرة بدون ما تشرح، وانت ما تلمس شي.




الشاشة الرئيسية



شكل بئك: الكارت فوق صورة الكاميرا واللعب تحته — كارت حقيقي من التطبيق فوق خلفية سجّلها (تركيب توضيحي)

2 افتح الغرفة — بدون ما تكتب ولا اسم

1. من الرئيسية اضغط كرت اللعبة (بلوت مثلاً) — أو «+ أنشئ غرفة جديدة».
2. اختر عدد القيوم (الأشواط) واترك الباقي مثل ما هو، واضغط «التالي — إضافة اللاعبين».
3. بالبلوت والكوت بتشوف فريقين: «لنا» و«لهم». تي تسميهم؟ اكتب لقب لكل فريق. ما تي؟ لا تكتب ولا حرف.
4. اضغط «أنشئ الغرفة» على طول — المقاعد تتعبى بلاعين مؤقتين، وأول ما يدخل أحد بالكود ياخذ مكان واحد منهم.



الغرفة جاهزة + كود الدخول


ألقاب الفرق — اختيارية بالكامل

إعدادات اللعبة

كل لاعب مكتوب تحته «مؤقت» — أول ما يدخل أحد بالكود ياخذ مكانه» يعني مقعد فاضي محجوز، مو لاعب حقيقي.

3 ربك يدخلون بالكود

1. اضغط «شارك الدعوة» وأرسل الرابط بقروب الواتساب — أو عطهم الكود شفهي (4 أرقام من 0 إلى 9).
2. الي يبي يدخل: من الرئيسية «أو ادخل بكود» — يكتب الأرقام الأربعة.
3. تطلع له الغرفة، ويختار «لاعب» (يشارك بالقيود) أو «مشاهد» (يتفرج بس).
4. لو اختار لاعب، تطلع له قائمة المقاعد المؤقتة — يختار مقعده ويصير مكانه رسمياً بالفريق.



يختار مقعده — واسم الفريق مكتوب تحته

يدخل الكود ويختار دوره

الكود فيه أصفار وواحدات عادي — أربع أرقام من 0 إلى 9، مو حروف.

4 شغل كارت البث

1. داخل الغرفة، اضغط أيقونة البث (📺) فوق يسار الشاشة.
2. بتشوف معاينة حية للكارث — نفس اللي بيطلع بالبث بالضبط.
3. **تعتيم الخلفية:** حرّك السلايدر عشان تشف الخلفية ويبين اللعب تحتها. الأرقام تبقى واضحة دايماً (الافتراضي 50%).
4. **مكانه على شاشة البث:** المناطق الحمراء بالخريطة تغطيها واجهة المنصة (تعليقات وأزرار) — خلّ الكارت بعيد عنها.



شاشة «كارت البث» — معاينة حية + تعتيم
+ خريطة المنصة

أفضل مكان: فوق بالنص، تحت شريط معلومات المنصة مباشرة.

5 حسابك ودعاية العميل

1. **حسابك:** اختر المنصة (تيك توك · جاكو · إنستقرام · رابط آخر) واكتب حسابك أو الصق رابط بشك. بدونه الكارت يشتغل عادي، بس غرفتك ما تنعرض بقائمة «بأئين الحين».
2. **دعاية العميل:** ارفع صورة (المقاس المثالي 1100×700، أقل من 2 ميغا). تنعرض فوق الكارت كل فترة تحددها.
3. **مدة الإعلان:** سلايدر من 5 إلى 15 ثانية، والافتراضي **8 ثواني** وهي اللي نوصي فيها.
4. **الشريط المتحرك:** اكتب أي إعلان يمشي أسفل الكارت، وافصل بين الجمل بنقطة. تتركه فاضي؟ يطلع «مدعوم من تطبيق سند» تلقائياً.



حسابك · دعاية العميل · الشريط المتحرك

ليش 8 ثواني؟ رسالة وحدة تُقرأ بأقل من 6 ثواني، والثانيتين الزائدة للمشاهد اللي يلتفت متأخر. أطول من 10 ما يضيف قراءة — بس يخفي النتيجة أكثر، والكارت يغطي القيد.

6 منو يسجّل أثناء البث؟

أول ما تشغّل الكارت ببسألك التطبيق سؤال واحد، لأن جهازك بيكون مشغول بالبث:


1. **نقل التسجيل لعضو معيّن** — لاعب أو متفرج يسجّل من جهازه، وشاشتك تبقى نظيفة للعرض. **هذا الأفضل.**
2. **خلّ الكل يسجّل** — أي لاعب بالغرفة يقدر يسجّل.
3. **أكمل — أنا أسجّل** — تسجيلك بيطلع للمشاهدين بالبث.



حوار «دخل شاشتك نظيفة للبت»

7 الكارت فوق اللعب — تحكّم كامل

1. **سحب:** اسحب الكارت بأصبعك لأي مكان بالشاشة.
2. **تكبير وتصغير:** من زوايا الكارت — النسبة مقفولة فما يتشوه.
3. **الأزرار والمقابض تختفي بروحها بعد 4 ثواني** بدون لمس، عشان البث يطلع نظيف. أي لمسة ترجّعها — وهذا ينطبق على أزرار شاشة الكاميرا نفسها (زر «سجل الجولة» وزر الخروج)، مو بس مقابض الكارت.
4. **ضغط على الكارت** ترجّعك لإعدادات الكارت (الشفافية، المكان، الحساب، الدعاية، الشريط).



جولة انسجّلت — الرقم تحدث بنفس اللحظة


وضع «الكارت فوق شاشة الغرفة» — للجهاز الثاني أو البث بدون كاميرا

نفس السحب والتكبير يشتغلون بوضع الكاميرا (الكارت فوق صورة اللعب) وبوضع شاشة الغرفة. اللقطتين فوق من وضع شاشة الغرفة لأنها الي تنصوّر بجهاز واحد.

الأرقام تتحدث بروحها لحظة ما أي أحد يسجّل جولة — انت ما تلمس شي. والكبوت له لافنته الخاصة.

8 لحظة الفوز وقائمة «بأئين الحين»

1. أول ما أحد يوصل نقاط الفوز، الكارت يحتفل بروحه: كأس واسم الفائز وكونفيتي.
2. **تبون قيمة ثانية؟** زر «سجل الجولة» بشاشة البث يتحول لـ «إعادة اللعبة» — ضغطة وحدة تصفّر النتيجة وتبدأ قيمة جديدة، **والبث ما ينقطع**. ودعايتك والشريط وحسابك يبقون مثل ما هم، ما تعيد ضبط شي.
3. أي عضو عنده صلاحية التسجيل يقدر يعيد اللعبة، مو المضيف بس.
4. اضغط «شارك النتيجة» وأرسل النتيجة للقروب — النص يطلع مرتب: الفائز، والفرق بينه وبين الثاني، وعدد الجولات.
5. طول ما الكارت شغال وحسابك محطوط، غرفتك تظهر لكل مستخدم سيّجلها ببانر «فيه غرفة باثة الحين» — **شاهد البث**، بالرئيسية، وضغطة وحدة توديههم لبثك.
6. أوقفت الكارت أو انتهت اللعبة؟ غرفتك تشال من القائمة تلقائياً — ما تظهر غرفة مو باثة.



بانر «بائين الحين» بال الرئيسية

انتهت اللعبة — شارك النتيجة

9 طريقة البث حسب المنصة

تيك توك — الأنسب (فيه مشاركة شاشة)

1. افتح تيك توك واضغط **LIVE**.
2. اختر وضع **مشاركة الشاشة (Screen Share)** وابدأ البث.
3. ارجع لسجلها ← شاشة «كارت البث» ← «بث بالكاميرا — الكارت فوق اللعب».
4. كاميرتك تصوّر الطاولة، والكارت فوق الصورة. ثبت الجوال بمكان يبين اللعب.

ما عندك 1000 متابع بتيك توك (شرط اللايف)؟ جرّب جاكو أو إنستقرام.

جاكو JACO

1. افتح جاكو واضغط **Go Live**.
2. حسابك فيه بث ألعاب / مشاركة شاشة؟ اختره وكمل بنفس خطوات تيك توك.
3. ما فيه؟ استخدم طريقة إنستقرام تحت.
4. **مهم:** انسخ رابط بثك من جاكو (مشاركة ← نسخ الرابط) والصقه بخانة «حسابك».

إنستقرام — ما فيه مشاركة شاشة

1. بث من كاميرا إنستقرام نفسها وصوّر اللعب.

2. حط جهاز ثاني فاتح «عرض الكارت فوق شاشة الغرفة» وثبته داخل الكادر جنب اللعب.

3. التسجيل من جهاز ثالث، أو من نفس جهاز الكارت.

بدون كاميرا نهائياً

«عرض الكارت فوق شاشة الغرفة» + مشاركة شاشة ← البث يعرض النتائج بس.

10 أسئلة سريعة

السؤال	الجواب
المشاهد يحتاج حساب سجلها؟	لا — «شاهد البث» يفتح منصفك مباشرة.
ينضغط «شاهد البث» وما فيه بث؟	تأكد إنك فعلاً لايف بالمنصة — الكارت الشغال ما يعني بث شغال.
كتبت يوزر غلط؟	الرابط بيودي مكان غلط — راجع خانة «حسابك».
النت قطع؟	الكارت يرجع ينشر بروحه أول ما يرجع الاتصال.
أوقف البث؟	إيقاف الكارت أو إنهاء اللعبة يشيل غرفتك من القائمة تلقائياً.
واحد دخل مشاهد وأبيه لاعب؟	المضيف يرقيهم من قائمة الغرفة — ياخذ مقعد مؤقت فاضي.